

Skýrsla svæðisstjóra Óðinssvæðis

Starfið í Óðinssvæði hófst með hefðbundnum stjórnarskiptum og gengu þau vel með góðra manna hjálp og var gaman að heimsækja klúbbana og sjá hvað þeir eru misjafnir og hefur hver klúbbur sín sérkenni. Ég hafði uppi góð áform um að heimsækja alla klúbba í svæðinu aftur en það náðis ekki. Fór þó með Skjálfandafélögum og heimsótti Öskju og var Óskar umdæmisstjóri með í för og 4 félagar úr Herðubreið, Kaldbak og Emblu og var þetta góð ferð. Þá fór ég með Emblufélögum og heimsótti Súlur í Ólafsfirði en þeir áttu 35 ára afmæli 31. mars. Þar mættu einnig félagar úr Skildi og áttum við saman ánægjulega kvöldstund með afmælisbarninu. Ég heimsótti líka Kaldbak og Emblu en það voru nú frekar óformlegar heimsóknir.

Einn fundur var haldinn í svæðisstjórn en þeim mun fleiri símafundir. Ég hef setið tvo umdæmisstjórnarfundi en gat því miður ekki mætt á síðasta fund. Þrír svæðisráðsfundir voru haldnar á árinu og var góð mæting á þá alla en þó vantaði uppá að fulltrúar mættu úr öllum klúbbum en allir skiluðu skýrslum. Tveir fundir voru haldnar á Akureyri og en síðasti fundurinn var haldinn á Siglufirði og var sameiginlegur með Grettissvæði sem nú verður lagt niður og fáum við Drangey og Skjöld í Óðinssvæði og verða þá 9 klúbbar í svæðinu og félagar um 156 og finnst mér að menn séu almennt ánægðir með þessa breytingu. Margt var rætt á þessum svæðisráðsfundum. Samþykkt var að kjörssvæðisstjóri 2011-2012 kæmi úr nýju klúbbunum. Ákveðið var að klára sameiginlegt verkefni svæðisins með gjöf til Barnadeildar FSA, en það er annað vöktunartæki af tveim og verða trúlega bæði komin í notkun þegar þetta blað kemur út. En fyrra tækið var formlega afhent eftir svæðisráðsfund 5 febrúar.

Forsetafræðsla fyrir Norðurland fór fram á Akureyri í ár og var það gott framtak og vel heppnað og verður vonandi meira af slíku. Í maí var komið að sameiginlegum verkefnum og mikil vinna við þau. Hjalmaafhending í maí byrjun og þá var K-lykillinn næsta verkefni og voru viðtökur ótrúlega góðar við þessum nýja lykli og gekk salan vel hér í Óðinssvæði og voru menn alment jákvæðir fyrir þessari nýjung.

Um 60 félagar og makar úr Óðinssvæði fóru til Færeyja í vor og átti Benedikt Kristjánsson í Skjálfanda veg og vanda að þeirri ferð og var þetta hin besta ferð að sögn þeirra sem fóru í hana. Fjölskylduhátíð Óðinssvæðis var haldin að Melgerðismelum í Eyjafirði síðustu helgina í júní og sáu Emblufélagar um hana. Mæting var nokkuð góð og veður þokkalegt og áttum við saman góða helgi.

Starfið í svæðinu hefur verið öflugt en staða klúbbanna er mjög misjöfn. Skýrsluskil hafa verið góð og sýna þær að mikið hefur verið starfað í svæðinu og samkvæmt skýrslum frá okt. 2010-maí 2011 eru fjáraflanir 5,5milljónir kr. styrkir 4,3 milljónir kr. og vinnustundir um 3.000 og mætingarprósenta um 78%.

Að lokum vil ég þakka öllum þeim sem ég hef haft samskipti við og sérstakar þakkar til þeirra sem hafa aðstoðað mig í þessu starfi því miður er ekki pláss til að telja þá alla upp.

Lára Einarsdóttir

Svæðisstjóri Óðinssvæðis